



Republika e Kosovës
Republika Kosova - Republic of Kosovo
Autoriteti Kosovar i Konkurrencës



Autoritet Kosova za Konkurenciju - Kosovo Competition Authority

Datë: 30.03.2018

Mbështetur në nenin 28, neni 29, paragrafi (1), neni 54, paragrafi (1) me nën paragrafin 1.7, neni 3, paragrafi (1.2), (1.8), neni 4, neni 35, neni 36, neni 46, i Ligjit për Mbrojtjen e Konkurrencës Nr. 03/L-229 (Gazeta zyrtare Nr. 88/25), dhe Ligji Nr. 04/L-226 për ndryshimin dhe plotësimin e Ligjit Nr. 03/L-229 për Mbrojtjen e Konkurrencës si dhe Ligji Nr. 05/L-031 për Procedurën e Përgjithshme Administrative, Komisioni i Autoritetit Kosovar të Konkurrencës ka filluar procedurën hetimore ndaj Furrtarëve të Komunës së Pejës me dyshimin për marrëveshje të ndaluar apo praktik të bashkërenduar për fiksimin/ngritjen e çmimit të bukës standarde, në mbledhjen e mbajtur më 30.03.2018 merr këtë:

V E N D I M

- I. AUTORITETI –Përfundon procedurën sipas konkluzionit nr. prot. 232/17-02/B. i datës 05.10.2017.
- II. AUTORITETI PRANON – marrjen e detyrimeve nga Furrtarët e Komunës së Pejës, se çmimi i bukës standarde do të caktohet në bazë të ofertës dhe kërkesës në treg.
- III. AUTORITETI – do të ri iniciojë procedurën kur në mënyrë të konsiderueshme janë ndryshuar rrethanat në të cilat është bazuar Autoriteti për marrjen e vendimit.
- IV. Ky Vendim hyn në fuqi ditën e nënshkrimit nga ana e Komisionit.

ARSYETIM

Autoritetit Kosovar i Konkurrencës sipas detyrës zyrtare me datën 25 dhe 26.09.2017, ka autorizuar inspektorët hetues që të monitorojnë tregun në Komunën e Pejës lidhur me dyshimin për marrëveshje të ndaluar në mes Furrtarëve për fiksimin/ngritjen e çmimit të bukës nga 0.30 cent në 0.40 cent.

TREGU PËRKATËS APO RELEVANT

Tregu gjeografik - duke iu referuar nenit 6 të Udhëzimit Administrativ për mënyrën dhe kriteret e përcaktimit të tregut përkatës Nr. 02/2011, bazuar në analizën e këtij rasti, tregu **gjeografik konsiderohet regjioni i Komunës së Pejës.**

Tregu i produktit është:

Tregu i produktit konsiderohet shitja e bukës standarde.

Autoritetit Kosovar i Konkurrencës sipas detyrës zyrtare, pas shqetësimeve të ngritura nga Komuna e Pejës dhe konsumatorët me datën 25 dhe 26.09.2017, ka autorizuar inspektorët hetues që të inspektojnë Furrat në Komunën e Pejës me dyshimin se kanë arritur marrëveshje për fiksimin/ngritjen e çmimit të bukës standarde. Inspektorët hetues me datën 25.09.2017 dhe 26.10.2017 kanë kontaktuar me zyrtar kompetent të Komunës së Pejës Zyrtarët komunal brenda fushëveprimit dhe kompetencave ligjore kanë pohuar se kanë mbajtur një takim me furrtarë mirëpo nuk kishin gjetur mirëkuptim që çmimi i bukës standarde të zbritet në 0.30 cent nga 0.40 cent.

Komisioni i Autoritetit Kosovar të Konkurrencës në Mbledhjen e mbajtur më 05.10.2017 ka marrë KONKLuzion për Fillimin e procedurës hetimore ndaj Furrtarëve dhe Shoqatës së Zejtarëve, Hotelierëve dhe Afaristëve të Komunës së Pejës, me nr. prot. 232/17-02/B, lidhur me dyshimet për marrëveshje të ndaluar në mes furrtarëve për fiksimin/ngritjen e çmimit të bukës standarde nga 0.30 cent në 0.40 cent.

Në Autoritet janë dorëzuar dy Parashtresa nga pronari i Furrës "Liria" dhe pronari i Furrës "Dielli 2". Pronari i Furrës "Liria", ka deklaruar se ka qenë detyruar ta rikthejë çmimin e vjetër i cili ka qenë 0.40 cent deri në qershor të vitit 2016. Ndërsa rikthimi i çmimit të bukës standarde është bërë për faktin se në janar të vitit 2016, çmimi për një kilogram miell ka qenë 0.2180 cent, dhe ka filluar të ngritet gradualisht ku në gusht të vitit 2017, 1 kg miell është ngritur deri më 0.2944, cent dhe ende ka ngritje, këtu duket përfshirë edhe rritja e çmimit të energjisë elektrike dhe drunjte dhe ka qenë e pashmangshme që të mos rikthehet çmimi i vjetër i bukës në treg dhe sa i përket çmimit të rritur të bukës nuk kam bërë marrëveshje me askënd dhe këtë e kam bërë në bazë të rritjes së çmimeve të cekura më lart, deklarim të ngjashëm ka dhënë edhe pronari i Furrës "Dielli 2".

Autoriteti pas disa takimeve të mbajtura me pronarët e furrave të kësaj komune ka shpjeguar dispozitat e Ligjit për Mbrojtjen e Konkurrencës, lehtësirat të cilat dalin nga neni 46 për marrjen e detyrimeve nga ndërmarrjet për rivendosjen e konkurrencës së lirë dhe efektive në treg, pas këtyre takimeve Autoriteti Kosovar i Konkurrencës me datën 16.02.2018, me nr. të prot. 72/18-01/H, ka pranuar një shkresë nga 13 furrtar të Komunës së Pejës me të cilin kanë deklaruar se:

Pas konsultimit me inspektorët hetues të Autoritetit Kosovar të Konkurrencës dhe konsultimit me Ligjin për Mbrojtjen e Konkurrencës, ju njoftojmë se mënyra e përcaktimit të çmimeve të bukës do të bëhet në bazë të ofertës dhe kërkesës në treg, përmes kësaj shkrese e njoftojmë Autoritetin

Kosovarë të Konkurrencës se do t'i marrim detyrimet që dalin nga neni 46 i Ligjit Nr. 03/L-229 për Mbrojtjen e Konkurrencës.

Vlerësimi i të dhënave gjatë procedurës hetimore dhe analiza e konkurrencës

Pronarët e furrave në Komunën e Pejës me datën 18.08.2017, kanë mbajtur mbledhje në qendrën tregtare Zejtare Iliriana dhe në këtë takim është diskutuar për ngritjen e çmimit të bukës. Në këtë takim nuk kanë arritur Marrëveshje për rritjen e çmimit, mirëpo fiksimi/ngritja e çmimit të bukës është bërë në takimin e dytë në restorant "Delta" në Pejë. Ky takim ka ndodhur orientimisht me datën 25.08.2017. Në këtë Mbledhje kanë rënë dakord që nga data 1 shtator 2017, të ngritet çmimi i bukës nga 0.30 në 0.40 cent. Gjatë shqyrtimit paraprak në tregun relevant AKK-se ka vërejtur se në të gjithat furrat e Komunës së Pejës çmimi i bukës kishte ngritje nga 0.30 cent në 0.40 cent.

Me shkresën e datës 16.02.2018, të 13-të furrat të Komunës së Pejës kanë marrë për sipër se mënyra e përcaktimit të çmimeve do të bëhet në bazë të ofertës dhe kërkesës në treg, këto detyrime i kanë marrë për t'i eliminuar efektet negative të veprimeve dhe lëshimeve në konkurrencën tregtare.

Autoriteti për t'i vërtetuar zotimet e furrarëve ka monitoruar tregun në Komunën e Pejës me të cilin ka siguruar dëshmi se tregu është konkurrues, çmimi i bukës standarde është i ndryshëm duke filluar nga çmimi 0.30 cent, 0.33 cent, 0.35 cent, 0.37 cent, dhe 0.40 cent.

AKK vlerëson se në tregun përkatës masat e propozuara nga të 13-të furrat të Komunës së Pejës kanë marrë për sipër se mënyra e përcaktimit të çmimeve do të bëhet në bazë të ofertës dhe kërkesës në treg, këto detyrime i kanë marrë për t'i eliminuar efektet negative të veprimeve dhe lëshimeve në konkurrencën tregtare.

AKK konstaton se kërkesa e furrarëve dhe dëshmitë që i posedon AKK janë të mjaftueshme për të eliminuar efektet negative dhe rivendosjen e konkurrencës në treg, dhe bëhen të detyrueshme për propozuesit sipas nenit 46, Paragrafi 2 të Ligjit Nr.03/L-229 për Mbrojtjen e Konkurrencës.


Autoriteti Kosovar i Konkurrencës vepron për të siguruar një konkurrencë të lirë dhe efektive në treg, me ç' rast do të vinte në shprehje edhe interesi i konsumatorit në veçanti, me synimin final që tregu të gjenerojë zhvillim, mundësi zgjedhje, zëvendësueshmëri të produktit apo shërbimeve dhe garë ndërmjet operatorëve ekonomik.

Këshilla juridike: *Kundër këtij vendimi nuk është e lejuar ankesa por pala me padi mund të inicioj konfliktin administrativ pranë Gjykatës kompetente për çështje administrative.*

Me këtë VENDIM të njoftohen:

- Arhiva
- Publikohet në web faqen e Autoritetit
- Palët
- Komuna e Pejës

AUTORITETI KOSOVAR I KONKURRENCËS
KOMISIONI


Valon PRESTRESHI
Kryetar




Ahmet KRASNIQI
Zv. Kryetar


Fatime HAZIRI
Anëtare


Shaqir MORINA
Anëtar


Muhamed KRASNIQI
Anëtar